



# DogsTrust

**GRADSKO VIJEĆE GRADA SARAJEVA  
PREDSJEDAVALJUĆI GRADSKOG VIJEĆA  
KOMISIJA ZA IZBOR I IMENOVANJA**

Bosna i Hercegovina-Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

PRIMLJENO: 22 JAN 2021			
Org. jed.	Broj	Prilog	Vrijednost
	01-02-04-55/21		

**Predmet:** Prijedlog za dodjelu priznanja „Plaketa Grada Sarajeva“

Poštovani/a,

U skladu sa Odlukom o priznanjima i nagradi Grada Sarajeva („Službene novine Kantona Sarajevo“, br. 34/10, 14/14, 31/14 i 11/20), „Fondacija Dogs Trust“ podnosi prijedlog da se:

**Prof. Dr. Selmi Filipović, profesorici na VFUNSA  
dodijeli priznanje „Plaketa Grada Sarajeva“ u 2021. godini.**

**OBRAZLOŽENJE PRIJEDLOGA:**

Fondacija Dogs Trust je sa svojom podrškom u BiH počela 2012. godine, i od tada je kroz brojne Programe koje kreira, koordinira i u potpunosti finansira, a koji se provode uz angažman i saradnju lokalnih partnera, obuhvatila preko 70% teritorije zemlje.

Fokus naše podrške je u prvih sedam godina bio na glavnom gradu koji je imao i najizraženiji problem ali i potencijal da kroz zakonsko i humano rješenje postane model ostalim dijelovima zemlje. Nije iznenađujuće da su upravo u Sarajevu postignuti i najveći rezultati; naša istraživanja su pokazala da je broj pasa lualica u Gradu Sarajevu od 2012. godine, kada su počele naše kampanje masovne sterilizacije, pa do ljeta 2019. godine, smanjen za gotovo 80%!

Jedan od prvih Dogs Trust Programa u BiH, a koji je bio preduvjet za provođenje drugih bitnih Programa, jeste Program usavršavanja veterinarskih stručnjaka u tehnikama hirurške kastracije/sterilizacije, te anestezije, anelgezije te pred i post operativne njege pasa, uz učešće međunarodnih i lokalnih mentora, a koji se od 2012. godine provodi u partnerstvu sa Veterinarskim fakultetom Univerziteta u Sarajevu.

Voditeljica ovog Programa sa strane Fakulteta od samog početka je bila profesorica Selma Filipović koja je svojom posvećenošću i profesionalnim znanjem dala izniman doprinos u provođenju ove važne edukacije, te time pomogla da se omogući i pokretanje ključnog Programa masovne sterilizacije uličnih i vlasničkih pasa.

**Dogs Trust BH**  
Gorica 61  
Sarajevo 71000

T 033 832 593  
T 033 837 649  
F 033 832 634  
office@dogstrust.ba  
[www.dogstrust.org.uk](http://www.dogstrust.org.uk)

**Patron: Her Majesty The Queen**  
UK Registered Charity Number: 227523 & SC037843



# DogsTrust

Program usavršavanja je postao dio Programa cjeloživotnog učenja Univerziteta u Sarajevu kao i akreditirani program domaćih veterinarskih komora.

Osim ovog Programa, Fakultet je više godina bio direktno uključen i u sam Program masovne sterilizacija u Sarajevu, a prof. Filipović je sa strane Fakulteta bila vođa i ove aktivnosti.

Samo u četiri gradske općine Sarajeva broj pasa na ulicama se, kada smo došli u BiH, bio popeo na preko 12.000, dok je do 2019. godine ovaj broj smanjen na blizu 3.000. Ovaj trend se nastavio i u 2019. godini kada je sterilizacijom dosegnuto oko 80% ukupne populacije pasa lutilica, te time osigurana solidna osnova da lokalne vlasti, kroz uspostavljanje i provođenje zakonskog sistema za upravljanje populacijom pasa, nastave problem trajno držati pod kontrolom.

Prof. Filipović je odmah prepoznala vrijednost dolaska najstarije i vodeće svjetske fondacije za pse kao i svih šest Programa koje smo planirali provoditi u Sarajevu i BiH te osigurala da se Fakultet, kroz partnerski odnos, uključi u naš rad.

Dogs Trust edukacija na Fakultetu je od neprocjenjivog značaja i za studente, dok je s druge strane, osnaživanjem lokalnih veterinarskih kapaciteta, Program sterilizacija značajno unaprijedio rad, dostupnost te kvalitet veterinarskih usluga, a posebno do tada slabo razvijene grane za male životinje.

Kroz Dogs Trust edukaciju na Fakultetu do sada je uspješno obučen 421 stručnjak iz cijele BiH, uključujući 30 iz Kantona Sarajevo, dok je kroz kampanje masovne sterilizacije na teritoriji ovog kantona obrađeno blizu 30.000 pasa lutilica čime je ne samo zaustavljen njihov reproduktivni ciklus, već je i kroz dodatne tretmane, unaprijeđena i njihova dobrobit te posebno smanjeni ili eliminirani rizici koje psi na ulici mogu i jesu predstavljali za zajednicu. Sa sigurnošću možemo reći da bi bez ovih naših aktivnosti danas na ulicama Sarajeva bilo na desetine hiljada više pasa nego 2012. godine.

Ovako odlični rezultati Programa Fondacije Dogs Trust ne bi bili mogući bez bliske saradnje sa lokalnim partnerima i stručnjacima, kao što je VFUNSA i posebno prof. Filipović. Stoga, ovim putem želimo još jednom istaknuti njen doprinos uspjehu naših Programa te postignutim iznimnim rezultatima, posebno u vidu značajnog smanjenja broja napuštenih pasa u Sarajevu, kao i cijeloj BiH, te eliminaciji svih rizika koje oni sa sobom mogu nositi.

U tom smislu, predlažemo da se ovakav izuzetan angažman prof. Filipović adekvatno vrednuje i nagradi Plaketom Grada Sarajeva.

Stojimo Vam na raspolaganju za sva eventualna dodatna pojašnjenja.

Srdačan pozdrav,

mr. sc. Anel Bećirović, šef Predstavništva



Sarajevo, 22.01.2021. godine

**Dogs Trust BH**  
Gorica 61  
Sarajevo 71000

T 033 832 593  
T 033 837 649  
F 033 832 634  
office@dogstrust.ba  
[www.dogstrust.org.uk](http://www.dogstrust.org.uk)

**Patron: Her Majesty The Queen**  
UK Registered Charity Number: 227523 & SC037843